

Երկրորդ ժողով գումարեալ 'ի Կոստանդինուպօլիս 150 եպիսկոպոսաց, ընդդէմ հոգեմարտին Մակեդոնի (381) :

Երրորդ ժողով գումարեալ յԵփեսոս 200 եպիսկոպոսաց, ընդդէմ Նեստորի չարափառի . (431) :

Չորրորդ ժողով գումարեալ 'ի Քաղկեդոն 636 եպիսկոպոսաց ընդդէմ Եւտիքէսի եւ Դէոսկորոսի Պատրիարքին Ալէքսանդրեայ . (451) :

Հինգերորդ Բ. ժողով գումարեալ 'ի Կոստանդինուպօլիս 164 եպիսկոպոսաց, ընդդէմ հետեւողաց Նեստորի եւ Որոգինեայ գրոց . (552) :

Վեցերորդ Գ. ժողով գումարեալ 'ի Կոստանդինուպօլիս 106 եպիսկոպոսաց ընդդէմ միակամեանց . (680) :

Եօթներորդ Բ. ժողով գումարեալ 'ի Նիկիա Բիւթանացւոց 367 եպիսկոպոսաց, ընդդէմ Պատկերամարտից . (787) :

Այս ամենայն նկարք զոր գրեցաք, և այլ խորհրդաւոր պատկերք անօրէնութեան Փրկչին, արդարեւ էին գործք ձեռաց առն ճարտարի՝ յօրինեալ եւ յարմարեալ արուեստիւք եւ գոյնզգոյն մուգայիւք 'ի նմին դարու, եւ 'ի ներքոյ իւրաքանչիւր ժողովոց Յունական վերառութիւնք : Այս կերտուած մեծածախս եւ սքանչելի՝ գործ կայսերաց եւ թագաւորաց, հանդիպեալ զանազան դիպաց եւ զերծեալ յաւերանաց՝ եկաց ամս 672 : Իսկ 'ի յետին ժամանակս 1842՝ Յոյնք հանին հրաման 'ի Դրանէ Օսմանեան եւ նորոգեցին զեկեղեցին, զորմէ ունիմք գրել 'ի տեղւոյ իւրում . յայնժամ խանգարեալ ծածկեցին մեծագոյն մասամբ զնկարսն, և այժմ՝ սակաւք ոմանք եւ մնացորդք նոցին երեւին, որպիսիք են առաջին ժողովն Նիկիոյ և հրեշտակք, և այլք թերի, 'ի սինազարդ գաւթի, և 'ի հիւսիսային դասուն դէպ յարեւելս, երեւումն Յիսուսի աչակերտաց և չօչափելն Թովմայի գլոյն նորա, այլովքն հանդերձ :

Ի ամին ժամանակի եկն յերուսաղէմ յուլիտ Աննա թագուհին կին Մանուէլի կայսեր, որ է դուստր իշխանաւորի ուրումն Ռուսաց՝ ընկերակցութեամբ Զոսեմայ Ռուս սարկաւազի, և Թէոփիլոս Պատրիարքն Յունաց եցոյց նոցա պատիւ մեծ՝ չրջելով ընդ նոսա 'ի Տնօրինական տե-